

Castigo mas halto: 18 luna di prizon pa DJ Oz Jansen

ORANJESTAD - Locutor Oz Jansen acusa di tene relacion sexual cu un menor a haya 18 luna di prizon incondicional, kitando e tempo cu el a sinta caba (4 luna). E castigo aki ta uno mas halto cu Ministerio Publico a pidi. Hues ta aclaria cu esaki mester ta un mensahe cla na otronan cu mester pensa bon prome cu nan comete e tipo di actonan aki.

Sr. Jansen ta bisa di no tabata sa cu e mucha tabata menor di edad pero cu pa ley y hurisprudencia realmente esaki no ta importa. Vocero di Ministerio Publico ta aclaria: "Cerca polis el a declara cada bes algo totalmente otro tocante e aspecto aki, asina ta cu fiscal a sali di declaracion di e mucha cu el a bis'e prome cu nan a tene relacion sexual. Cu e sex tabata vrijwillig tampoco ta haci ningun diferencia. Sex cu un mucha ta castigabel con cu bo kier bir'e."

Fiscal di parti di Ministerio Publico a pidi durante tratamiento di e caso

un castigo mas abou cu hues awor a duna. Nan a pidi 18 luna di prizon, pero di cual 6 luna condicional. Sin embargo hues a sentencia 18 luna incondicional di prizon, pues cu sr. Jansen mester bay sinta realmente e 18 luna.

Pero manera menciona, e locutor ya a sinta 4 luna caba y esaki si nan ta kita for di e sentencia.

Haltura di castigonan Ministerio Publico ta na altura cu tin hopi discusion na Aruba tocante e haltura di e castigonan relaciona cu abuso y maltrato. "Tin biaha publico ta bisa cu bo mester benta yabi afo y cosnan asina, anto otro biaha publico kier pa e hende sali liber mesora. Pa ley sin embargo tur hende ta pareu." Esaki ta conta negativamente pa e sospechoso aki y pues a pisa riba e castigo cu fiscal a exige pa e ta. Cu e tabata sa, of mester tabata sa cu e victima tabata tin 14 aña, cu el a tene relacion sexual cu ne sin uza proteccion, cu ora e victima a sali na estado, el a lag'e cay y a bisa e mucha di 14 aña aki cu e no ta tuma responsabilidad pa esey.



Caso Oz

Sr. Jansen ta wordo acusa di a tene relacion cu un persona femenino menor di edad entre 12 cu 16 aña tempo cu nan a tene relacion. El a admiti cu berdaderamente el a tene relacion cu e mucha muhe kende el a asumi cu tabata tin un edad di mas

cu 16 aña. "El a topa cu ne laat den anochi den un bar na San Nicolas unda cu e tabata trahando como DJ. Eynan nan a cuminsa basila otro, mas despues el a sali cu ne, el a bay un apartamento y nan a drumi cu otro e dia ey', asina su abogado Chris Lejuez a splica.